

卷之四

《續修四庫全書》編纂委員會編

續修四庫全書

上海古籍出版社

一七九・經部・群經總義類

經學博采錄十二卷

〔清〕桂文燦撰

一

經述四卷

〔清〕林頤山撰

一一五

國朝漢學師承記八卷附錄一卷

〔清〕江藩撰

二五三

兩漢五經博士考三卷

〔清〕張金吾撰

三五七

經學歷史一卷

〔清〕皮錫瑞撰

三八五

今古學考二卷

廖平撰

四一九

新學偽經考十四卷

康有爲撰

四六七

1909
2684

經學博采錄

〔清〕桂文燦撰

據北京圖書館分館藏民國三十一年刻敬躋堂叢書本影印原書版框
高一八一毫米寬二七六毫米

敬齋堂叢書之二

經學博采錄

郭則澐署端



壬午冬刊成
古學院藏版

自序

我朝經學極盛經師數十人著書數千卷阮文達公集而刻之爲皇清經解一千四百卷以惠士林三十年來繼起之士淺深雖異指歸則同文樸生長南海壯遊京師當代通儒或在私淑之列或居請業之科或聞聲而相思或捧手而有授每得一義受益已多自顧寒儒不能整齊衆家登之梨棗聊欲披其梗概以廣見聞日積月累漸成卷帙番禺陳先生取許君博采通人之語題曰經學博采錄若夫仕有美績處有高風軼事瑣言隨筆附記將爲來者論世知人之助焉復有著述未成刊布未廣逝者不作知者益稀潛德幽光理宜表著此又區區撰錄之愚心也異時將復出遊更加搜訪以稱博采之目倘我同志示以新知敬齋堂叢書不序

俾廣積焉是所厚幸爾

大清咸豐五年八月南海桂文燦

序

學之區漢宋者俗說也明季國初諸大儒皆主通經致用而治身尤密焉嘗有漢宋之限哉自俗儒類襲理學淪於空疏矯之者遂高揭漢學之幟於是漢學師承記漢學商兌乘時並出互肆觝排若相水火風習之遞遷而人才亦與爲升降可慨也已道咸間士崇實學始復有通漢宋之郵者番禺陳蘭浦先生其著也南海桂氏子白爲先生入室弟子實踵承令緒津導學海著書滿家然北方學子獲睹其書者殊罕余竊憾焉比與先生孫公易共事古學院承出其先著東塾雜俎手稟既斟訂付梓適吾友黃君君緯藏有桂氏遺著多種皆未刊之稟經學博采錄在焉是書體製略如漢學師承記而擴拾聞見加詳蓋乾嘉道咸四朝問學術源流之所匯大之可補國史次之亦可代學案葉鞠裳前輩稱其旁披瑣言兼陳軼事開著家之創例者殆不足以盡之語見葉氏爲汪柳門侍郎代製序夫欲覘一代之學術者必先攷鏡其人物人物者學術之源流也鴻儒碩彥彪炳世宙固自有其可傳者在若夫槁項之士殫志窮經著述湮淪姓名黯黹舍是其奚以爲發微闡幽之助然則是書之傳不傳文獻寄焉矣豈獨繫乎桂氏一人已哉且觀其所標舉者若劉端臨張小軒夏朗齋凌曉樓諸先生雖出處不盡同類皆一代經師而篤於性理者又嘗載顧氏千里爲曉樓先生序其壤室讀書圖曰漢學者正心誠意而讀書者也俗學者不正心誠意而尚讀書者也是故漢人未嘗無俗學宋人未嘗無漢學由顧氏之言繹之則夫

日言正心誠意而不尚讀書者其視俗學又何如耶是雖非桂氏之言桂氏獨取而揭櫫之亦可闡其宗尚之所在矣借鈔竟亟舉付剞劂以餉後學會吳縣王君欣夫主輯辛已叢編采及是書先印成見寄竊幸衰晚寂寥乃有銅山洛鐘之應及取以互斟則茲編條舉增於叢編本者凡二十有一其卷一自首至末皆彼本所無餘雖並見而茲之所載時復增詳疑此爲最後寫定者其間譌脫互異則就兩本衡較擇其善者從之而復授手民刊正焉自揣荒陋又率臆去取無所就正深恐有專斷之失當世碩學倘不吝匡教而增益之則余所旦夕翹望者也太歲在昭陽總治長至後三日侯官後學郭則澧謹序於園城之餘清齋

敬齋堂叢書

經學清宋錄序

二

經學博采錄卷一

南海桂文燦

惠定宇徵君戴東原吉士錢辛楣詹事所著諸書家置一編然尚有未刊行者徵君未刊之書有周禮補注六卷其體例與九經古義略同吳縣吳嶽生修撰鍾駿管獲遺稿於其家修撰弟子林香溪博士錄其副藏之吉士未刊之書有直隸河渠書一百十一卷爲吳江周履泰所竊易名畿輔安瀾志嘉慶己巳繕寫進呈上謂此有用之書也命刊之履泰以同知用吉士之子中孚負書入都欲辯明之而無肯言於上者今不知其稿尙存否詹事未刊之書有唐石經考異三卷於初刻綴改之處聚蒼羣書參互考正最爲精確王倬甫秀才云其手稿今藏海鹽陳君其幹家

詹事之弟名大昭字可廬著有說文統系序說文新附並刊行世或嘗以其所注說文與段茂堂桂未谷二家並舉文彙往來南北徧索不獲博訪通人咸曰未見王倬甫云此書未刻徵君之子小廬秀才繹藏之書中援引多而考辨少其援引之處多與段氏相合云秀才一字子樂年將八十耄猶好學著有十三經漢學句讀孟子義疏又與弟同人侗箋疏楊子方言並工篆隸真書性情和易謙慎人多言似辛楣詹事可廬徵君曾蔭生侍郎國藩湖南湘鄉人也貫通羣經精研小學熟於掌故尤究心經世之學正色立朝開邪陳善有古遺直之風今上登寶曆請舉行日講意欲於贊助聖學之中陰寓陶成人甘之意謂其幾在此其效在彼必求於人才有

益不徒務講學之虛名參考羣書謹擬條款凡十有四一

考定日講設官之制猶宋時崇政殿說書之職與起居注官主典禮侍班贊筆載記卽周時左史右史之職不同一講官員數請照康熙九年之例定爲滿四員漢八員一請每日以一人進講與尋常召見無異一講官請將閣學及九卿科道與翰詹一體充補一保舉講官請特派大臣四五人各保數員以備進講一進講之地現在請於東書房此後或有遷移臨時請旨一進講之儀請令講官屆時捧書入一叩興侍立宣講講畢一叩興趨出一進講之時請於每日早間引見以後皇上萬幾已畢御前大臣侍衛等皆已散值然後進講一所講之書請用大學衍義及大學衍義補二書一陳講之道固貴忠誠剴切尤貴明於本朝

掌故請令於每日進講之時將列聖至德善政稱述一二條則爲講官者必熟於國家之典章此中之磨勵人材不少一復講之法請皇上於疑難之處俯加詰問講官錯誤之處仰承指示若無疑可問無誤可指卽不妨默識一纂成講書俟將來刊刻流傳以昭聖學之盛一講官體制宜稍示優異雖編檢科道皆得照起居注官南書房翰林之制經筵侍班宜在六部堂官之次一進講年數康熙年間凡十七年現舉舊章伏願行之久遠不可遽求速效十年以後人才當有起色可收百年樹人之效奉旨著於百日後舉行後格於部議而止又嘗見侍郎奏稿有云自道光中葉以來朝士風氣專尚浮華小楷則工益求工試帖則巧益求巧翰詹最優之途莫如兩書房行走而保薦之時

但求工於小楷者閩部最優之途莫如軍機處行走而保送之時但求工於小楷者衡文取士大典也而考差者亦但論工小楷而不復顧文義之淺深故臣嘗謂欲人才振興而使士大夫考古來之成敗討國家之掌故而力杜小楷試帖工巧之風乃可以崇實而黜華去歲奏開日講意以人臣陳說古今於黼座之前必不敢不研求實學蓋謂此也今皇上於軍務倥傯之際仍舉斯典與康熙平三藩時相同然非從容召見令其反覆辨說恐亦徒飾虛文而無以考覈人材目前之時務雖不敢妄議本朝之成憲獨不可稱述乎皇上於外官來京屢次召見詳加考覈今日之翰詹異日之督撫司道也甫脫乎小楷試帖之間即予以兵刑錢穀之任又豈可但觀其舉止敏捷語言圓妙而

不究其真學真識乎語語切實可謂名通之論矣壬子癸丑間粵西紅巾賊起蹂躪吳楚吾粵焉展雲學士特保侍郎總辦軍務有臣親內外公卿有學有識無如前任禮部侍郎曾國藩之語得旨任在籍辦理團練統師東下拔識賢

家大江以南賴以底定重見太平拭目俟之

三

粵東自國初以來詩壇最盛講學者承前明道學之遺躬行實踐自東吳惠半農來粵督學喜以經學提倡士類時有蘇瑞一珥羅履先天尺何西池夢瑤陳聖取海六四君稱惠門四子北據江鄭堂漢學師承記也考阮通志南海縣志並云瑞一履先西池與鍾鐵橋韓車夢洲騰芳為惠門四子又或云履先西池與鍾鐵橋韓車夢洲騰芳為惠門四子未詳孰是按蘇瑞一為勞阮齊作春秋詩話序稱羅履先何西池陳聖取諸子皆惠學使所賞嘗舉乾隆同治間門又稱阮齊並締交則皆半農弟子也嘗舉乾隆博學鴻詞科若夫博通羣書以漢儒訓詁說經者以文燦

所聞蓋自海康陳觀樓觀察始觀察名昌齊字賓臣一字觀樓又自號啖荔居士乾隆三十六年進士歷官翰詹科道出為浙江溫處兵備道所至愛民弭盜修廢出滯多善政學者稱之高郵王石隴觀察序其所著賜書堂集以有云先生生平於書無所不讀自經史子集以及乾象坤輿之奧六書四聲九賦五刑之屬星算醫卜百家衆妙之流靡不貫穿於其胸中故所著書如經典釋天附錄天學勝說測天約說及大戴禮記老子荀子楚詞呂覽淮南諸書考證皆發前人所未發先生為予詞館先輩又同直諫垣公事之暇屢以古義相告語其學旁推交通之中加以正諷利諺每發一論皆得古人之意義而動合自然故余所著廣雅疏證淮南內篇雜志輒引先生之說以為格式蓋

敬齋堂叢書

四

予宦游數十年所見經學之士既精且博如先生者不數人也長樂溫伊初孝廉為觀察傳有云先生論學謂不當分漢宋為二且程朱未嘗不從訓詁入也嘉慶二十有五年觀察年七十有八卒於家所著經典釋文附錄歷代音韻流變考俱煅於火後重輯經典釋文附錄成易詩書三卷又著測天約術楚詞音義天學勝說臨池瑣語新論正誤呂氏春秋正誤營兆約旨囊玉秘旨別傳各一卷淮南子正誤入卷賜書堂集鈔六卷文燦嘗得其遺書讀之其重輯經典釋文附錄自序言凡注疏史漢說文諸書所引經傳與今時傳本異而陸氏未收者悉採錄之而於毛詩載馳則云毛鄭作五章蘇氏作四章襄十九年左傳穆叔賦載馳之四章取控于大邦誰因誰極之意朱子據之從

蘇氏於七月則不從周禮篇章鄭注幽風幽雅幽頌之說
謂當以朱傳爲正於周頌假以溢我則云襄二十七年左
傳作何以恤我杜云逸詩朱傳云何之爲假聲之轉也恤
之爲溢字之譌也蓋據左氏說文作誠以溢我誠吾何切
嘉善也廣韻作誠以溢我於彼徂矣岐有夷之行子孫保
之則云朱傳岐字絕句爾雅疏云岐有夷之行後漢書西
南夷傳作彼徂者岐韓詩外傳作政有夷之行子孫保之
說苑作岐有夷之行子孫保之觀察爲漢儒考證之學而
屢稱朱子詩傳溫伊初謂觀察論學不分漢宋此其明微
歟蓋無門戶之見而平心以求其是者也

勞阮齋大令名孝與南海人也雍正乙卯拔貢生乾隆丙
辰舉博學鴻詞科召試未用旋出宰黔中初署錦屏清鎮
敬路堂叢書

旋補龍泉又署清溪調畢節再調鎮遠所至以經學飭吏
治陳布政惠榮深與投契所上勸民開墾蠶桑種植之法
布政多采納檄行諸郡民至今稱之適歲飢有糾衆剽掠
者大令拘其魁以飢民報薄懲治鄰邑有類此者其邑令
以亂民報多抵於法民皆感之年五十卒於官所著有春
秋詩話五卷阮齋文鈔詩鈔十卷春秋詩話專取左氏之
言詩者一日賦詩如重耳賦河水秦穆公賦六月之類二
日解詩如卻至解免置穆叔解三夏及文王鹿鳴之類三
日引詩如鄭公子忽引自求多福陳敬仲引翹翹車乘之
類四日拾詩乃古詩佚句左氏拾而出之五日評詩爲吳
公子觀樂一篇每條後各以所見附著之此爲自來治春
秋者所不及亦自來輯詩話者所未道也大令之子名澹

字潤之一字莪野乾隆乙酉由拔貢生中本省第二名舉
人受知于大興翁覃溪餘姚盧召弓兩學士得名最早事
母至孝少時母授以毛詩後應省試以詩經溢額見遺者
再所知或勸其改經孝廉曰吾不敢忘母教也中舉人後
母在不肯再應禮闈以引獎後進爲己任嘗言讀孔子書
得一言曰務民之義讀孟子書得一言曰強爲善而已矣
讀朱子書得一言曰切己體察其敬宗恤族倡率鄉黨備
賑義舉皆有成績乾隆丙午歲飢賴以存活者無算所著
有孝經考異選注四禮翼孝經小學正文人生必讀擇要
救荒備覽荷經堂詩文稿若干卷

馮未盧教諭名經字世則南海捕房人也乾隆庚寅舉人
官曲江縣教諭少讀書強記絕人攻治益力其學專精鄭
敬路堂叢書

孔而立身行己則追蹤開闢云初甚拘苦後讀詩至衡門
之下一章怡然自得曰此君子素位不願外之說也孔顏
樂處豈外求哉授徒三十年經經講說不倦問字者至館
舍不能容康布政基田開羊城書院以造士訪粵中選學
礪行而能文章無如教諭者特聘主講席多士咸慶得師
卒年七十有八所著有四書學解周易略解詩經書經略
解考工記注羣經互解算略等書皆蒼萃諸說而貫通之
而易尤遂其釋卦象以十翼爲據釋爻詞以象爲本其講
算法以周髀算經爲主兼通筆算籌算隨手指畫不差秒
忽云

番禺林月亭學正名伯桐粵東碩儒也嘉慶甲子舉於鄉
出閩中陳恭甫編修之門屢蹟公車以選授德慶州學正

卒於官學正素履嚴正學術深醇以毛西河好爲辨駁之論戴東原不爲墨守之學嘗以毛戴並稱之道光間鄉人士請以學正崇祀鄉賢呈學官牒有十三經之注疏無一卷不手自披尋七十載之操修無一事不心存敬慎皆紀實也學正博通經史旁涉羣書所著有毛詩識小三十卷史記蠡測供冀小言各一卷冠昏喪祭儀考十二卷修本堂稿四卷余讀毛詩識小所釋經義最爲精簡如宋官薄言有之傳曰有藏之也王氏經義述聞謂有亦取也不從毛說學正云案傳言藏之非謂既歸而藏謂采得而暫安頓之也又案有謂富也原注本邦既言采之又言所采之富也又何彼穰矣傳曰穰猶戎戎也學正曰案穰訓爲厚說文衣部穰衣厚貌段茂堂云凡穰聲之字皆訓厚戎大

敬齋堂叢書

經學彙編卷一

七

也戎戎者大而又大其厚可知又信誓旦旦傳曰信誓旦旦然學正曰箋云我以其以信相誓旦旦耳此毛鄭之本同作旦旦也釋文云旦旦說文作是是詩所見本作是也毛詩校勘記云旦即是之假借故義仍爲是也案是即恒之重文說文恒悟也信誓而信痛是箋所謂懇惻款誠者也又陟岵傳言岵岵與雅訓正相反學正曰考爾雅釋山多草木岵無草木岵據釋名釋山山有草木曰岵岵也人所怙取以爲事用也山無草木曰岵岵也無所出生也說文岵山有草木也岵山無草木也據此則皆與傳未合疏以毛傳爲傳寫誤是也其他解釋多類此史記蠡測史論也供冀小言子部也凡二十二篇曰天人曰小民曰出處曰勤惰曰鬼神曰古昔曰食力曰天爵曰質文曰

習俗曰家教曰宗法曰師友曰練習曰內行曰實惠曰貧富曰奢儉曰息機曰安雅曰勞樂曰簡壽荀子云行而供冀非漬倬也楊倬注供恭也冀近也恭近謂不敢放誕也供冀名書實取諸此至冠昏喪祭儀考仿司馬溫公書儀爲之諸考之文寓言垂訓最稱善云番禺又有黃石谿明經名子高道光戊子優貢亦深經學尤工篆法所作小篆酷似唐李陽冰時人得其書珍如拱璧所著詩文集共若干卷明經之子名漸泰字鴻遠亦工篆法傳其家學又有孟蒲生孝廉名鴻光道光甲午科舉人賦性強記侯君謨孝廉嘗言親書能記不及孟蒲生使蒲生勤於讀書林月亭曾勉士不及也蒲生孝廉亦深經學工篆法余嘗見其玉璫黃梳解一首原原本本數千餘言極爲精博云

敬齋堂叢書

經學彙編卷一

八

六書轉注之說千餘年來無能言者近儒戴東原以爲二字互訓江良庭則云轉注即所謂凡某之屬皆從某也番禺陳先生曰戴說合於許君同意相受之語然互訓之字不必同一部如爾雅初哉首基皆訓始在爾雅雖同一條在說文則分屬各部何云建類一首乎江說合於建類一首矣然如其說則說文九千餘字無一非轉注太無限制蓋二說各得其一端合之則轉注之說明矣蓋轉注者部中之字與部首之字同意者也考爲老之屬而從老是爲建類一首老者考也考者老也是爲同意相受也形聲之字與部首之文不盡同意如江河雖水名然水字不可訓爲江河江河亦不可但訓爲水必分別之爲岷山之水積石之水考老則考訓老老訓考無分別矣故許君說形聲

但云因事爲名說轉注則云同意相受也當保氏教國子時教識江河二字必教以岷山之水積石之水凡水名數十百字皆當一一訓之如教識孝老二字以及壽耆等字則皆同一意並無異訓此其所以別爲一書也先生此論精確之極又聞先生云此論自劉星南秀才目驗始發之秀才嘗撰說文轉注假借說云說文叙曰轉注者建類一首同意相受考老是也段借者本無其字依聲託事令長是也江艮亭六書說謂說文解字一書凡分五百四十部其分部即建類也其始一終亥五百四十部之首即所謂一首也下云凡某之屬皆从某即同意相受也其言建類一首深得許氏之意然謂凡某之屬皆从某即同意相受是以說文九千三百五十三文皆爲轉注之字則過矣許

敬齋堂叢書

經學博采錄

九

以同意相受言轉注則凡非同意而相受者皆不得爲轉注如考之意爲老則考從老爲轉注孝之意爲善事父母孝雖從老不得爲轉注也凡同部之字皆從部首而生而唯以部首之字釋之則意或未盡如武從戈而意非戈必合止戈之意乃爲武信從言而意非言必合人言之意乃爲信此許所謂比類合誼以見指擣也許於轉注則曰建類一首同意相受明不必比類合誼而始見指擣者爲轉注由江氏之說則許君何必舉考老以明之乎六書說又謂凡一字而兼兩誼三誼者除本誼之外皆段借按一字而兼兩誼三誼者引伸之誼不可以爲段借引伸因字而得誼段借因誼而得字二者迥殊段借字如來周所受瑞麥來楚天所來也故爲行來之來西鳥在巢上日在西方

而鳥棲以爲引伸之誼可也正足也古文以爲詩大雅字說辨論也古文以爲頗字以爲引伸之誼可乎江氏徒見發令字引伸有縣令義長遠字引伸有縣長義故欲以引伸段借然殊失許君本無其字之指江氏言六書以爲皆具於造字之初甚確而其言段借若此則幾無以自持其說矣學者不可不審也秀才所言轉注淺學者多未能明先生故特暢其說歟又昔人每以六書爲造字之法戴東原又分別言之謂象形指事諧聲會意四者乃古人造字之法轉注段借二者則用字之法先生則謂六書之法專爲教人識字若初作字時則依類象形與形聲相益二者而已象形指事相類而教人識字則必教以畫成與不畫成轉注形聲相類而教人識字則必教以同意與不同意依類象形之中畫成者爲象形不畫成者爲指事形聲相益之中形與形相益者爲會意形與聲相益者爲形聲相益而各爲一意者爲形聲相益而仍同一意者爲轉注此五者之所以分也 文燦 謹案此論明辨以精尤發前人所未發也

敬齋堂叢書

經學博采錄

十

王子癸丑問會試後留寓京師番禺陳先生屬覓麻沙小字本廣韻時詢賈人博訪朝士多不知也聞湘潭袁漱六編修芳瑛喜藏宋刻書屢欲訪之以事中止偶於苗先路明經座上見之細詢則編修嘗得此書於燕市珍藏之欲以他珍異易歸以呈陳先生未果允借錄副亦未暇也編修先後於燕市收得全與不全宋刻諸正史共十種欲校正史者舍編脩諸書蓋未易覓也 文燦 又嘗於燕市得宋

本毛詩一帙編修特爲識別云

李子迪檢討名熾昌更名光彥吾粵嘉應州人也道光辛卯恩科舉人辛丑成進士官翰林居平讀書恆徹夜不寐至齒盡脫每日讀十三經注疏資治通鑑各若干篇以爲正課又讀皇清經解五禮通考等書各若干篇爲餘課有故釋卷正課闕則補之餘課則否數十年如一日故所積日記課本盈至數尺所至必欲交其文學之士恆先施之惜不永年所著書多未成易論四書典貫各若干卷藏於家嘉應又有饒戶部者名應坤字載初道光壬辰科舉人乙未成進士官主事久宦京師閉門讀易同官多不識其面所注易或十餘卷多發明漢儒之說其手稿戶部之子軒珍藏之軒字韜史以進士官內閣中書舍人

敬齋堂叢書

經學部

十一

昔宋陳彭年等重脩廣韻題曰陸法言撰本郭知圓朱箋三百字其後復有增加字者關亮薛岫王元照祝尙丘孫慎嚴寶文裴務齊陳道固凡八人又云更有諸家增字備載卷中今讀廣韻孰爲陸氏元文孰爲增加已不可辨番周陳先生據廣韻以同音爲一條於第一字注切語及同音字數此必陸氏之舊乃有兩條切語同一音者不合本書通例而凡若此者其一條必在韻部之末又字多隱僻且多重見定此爲增加之字又云惟其增加故在部末其字爲陸氏所不收故多隱僻又字有數音前人已取其音錄之而後人更據別音增之故多重見以此三者灼然知爲增加字無疑矣增加字附於同音字下者雖非陸氏之舊然猶依舊例雖不辨無害也乃竟不檢上文已有同

音而別爲切語既失舊例又使讀者疑焉此則不可不辨又切語下字與所切字爲疊韻自當取同韻之字乃今之廣韻有同韻有字而反取他韻字者蓋陸氏元書同韻無字故取他韻今同韻有字則後人所增此又增加之一證不辨而明之則爲陸氏之疎也故先生爲切韻表以廣韻增加字非陸氏切韻之舊既刪其字不錄於表後校廣韻諸本切語之異同並錄爲一編校讎異同細辨其得失刪除增加之字取劉子正校書時有校除復重之語名曰校除錄云先生又云陸氏爲音學大宗余爲此編欲因廣韻之書以傳切韻之學將刻廣韻而以此附焉

儒者治經如折獄然當究其是非是非已定當有以處治之東晉古文尙書經注至今日而僞迹昭著無庸再辨惟

敬齋堂叢書

經學部

十二

處治之道未得其宜乾隆中有奏請廢其僞經者以武進莊侍郎存典議謂篇中多精理名言以之進講最爲有益中止番周陳先生云天下古今精理名言尙多若以其精妙遂可以與二帝三王典謨並傳不朽雖作僞亦不可廢是何言歟 文燦 請以處治之方先生乃言曰今文二十八篇本二帝三王之書孔傳亦晉人經注是當存之以爲東晉藝文之一其古文自大禹謨以下十五篇附列卷末而以惠定宇古文尙書考注之以明其摭摭之迹且使書中精理名言各還本真先生此語洵爲萬世定論矣 番周侯君謨孝廉補後漢書三國志藝文志各四卷道光三十年刊入嶺南遺書兩志注語有闕乎經義者甚多其鈎沈之論如鄭眾毛詩傳孝廉注云范蔚宗陸機陸德明

皆但言鄭眾傳毛詩不言作傳惟隋志有作傳之文而亦不著其書疑誤也今亦未敢臆斷姑錄之其說今絕無存惟旁見周禮注者宰夫之職注引詩曰家伯維宰以宰爲宰夫與鄭箋之冢宰異原注王典瑞注引詩曰卹彼玉鄭黃流在中與今本作瑟作璜異大司馬注引詩曰言私其穢獻肩于公一歲爲從二歲爲從三歲爲特四歲爲肩五歲爲慎與傳箋俱異獻豸作獻肩亦異至今序官膳夫注引仲允膳夫獻人注引敝笱在梁大司徒注引錫之山川土田附庸大司馬注引邦畿千里射人注引不出正兮隸僕注引有扁斯石小司寇注引詢于芻蕘則固無異解也其辨正之論如盧植本傳稱植作三禮解詁孝廉注據三國志盧植傳注引續漢書稱盧植禮記解詁二十卷謂植未

敬齋堂叢書

國朝書目

十三

嘗注三禮傳說非也其存疑之論如於後漢鄭氏孝經注陸澄本傳釋文序錄唐會要載劉子元議困學紀聞並疑其非康成所著有十二驗孝廉則據宋均孝經緯注引鄭六藝論序孝經云元又爲之注以爲康成注孝經之證而又以宋均云均無問焉者蓋注未卒業不行於世故也於三國鄭小同孝經注一卷孝廉既據太平實字記引鄭氏孝經序所稱先人謂卽指康成又云自陸澄以來屢有異義則屬之小同亦可姑備一說蓋疑不能定者也或乃以此爲騎牆之語則過矣其持平之論如王肅聖證論十二卷孝廉注云王肅解經平易近人故晉宋以下多從之近世崇尙鄭學攻肅者幾於身無完膚平心而論肅之解經豈無一得其立異於鄭猶鄭之立異於賈馬何許此得彼

失本可並存特其專事掇摭且僞造家語以自實其言此則誠不免爲小人僞耳其所論說多類此治經者皆不可不知也

黃牛溪州牧粵西龍州廳人也龍州爲粵西極南之境界連越南而州牧博通經史敦尙行誼無愧古人此可以見國朝經學昌明雖邊徼遐陬之士亦知自勵也州牧名定宜牛溪其字也嘉慶辛酉科舉人官至廣東連州知州所蒞恆以書自隨日坐衙齋手不釋卷執法不阿取與嚴介去官後家徒壁立以書易粟亦可謂廉而好學者矣嘗讀牛溪隨筆二卷卷中有云或謂鄉黨朝與上大夫言閭閻如也注閭閻和悅也足矣加而諍二字則與上大夫言而盡善又何諍之有閔子侍側亦閭閻如也何以不加而諍

敬齋堂叢書

國朝書目

十四

二字愚按論語鄉黨篇孔注云侃侃和樂之貌閭閻中正之貌先進篇鄭注云行行剛強之貌朱子鄉黨篇集注曰侃侃剛直也閭閻和悅而諍也與孔注異蓋用許氏說文解字川部曰侃剛直也从侃古文信从川取其不舍晝夜論語子路侃侃如也原注段茂堂曰論語作子貢蓋許氏筆誤言部曰閭和悅而諍也从言門聲先進篇集注則用鄭注曰行行剛強之貌閭閻音義見前篇蓋亦用許氏義矣或乃謂而諍二字爲朱子所加何其誤也又孟子梁惠王上文王以民力爲臺爲沼而民歡樂之孫奭音義云歡樂本亦作勸樂臧玉琳據左氏昭九年傳叔孫昭子引詩云經始勿亟庶民子來杜注孔疏並有衆民自以子來勸樂之語知晉唐時本皆作勸樂故杜孔據之今本作歡者蓋因字形相近而

譚州牧云詩曰庶民子來孟子遂以勸樂解之亦猶中庸云子庶民則百姓勸也此雖不足以盡規州牧所學然即此可窺見一斑已至其考證水道以班氏地理志言向龍谿鄭氏水經注不詳據元黎則安南志略記沱江注瀾滄處云自撞龍來今越南國史亦有撞龍江之名向撞音近疑撞龍即向龍謂向龍溪即今越南國之沱江此則精確之極非州牧生長遐陬博采異書詳為考證不可知也州牧所著尚有孔子年譜輯注讀韓隨筆祇勒堂詩集

曹葛民秀才浙江仁和人父出金氏寄食於曹曹無子遂為曹後數十年間金氏子孫無一存者乃複姓曹金氏名猶故亦稱曹金箱一字竹書又號臺笠子嘗自為之傳治經深於穀梁春秋之學以近時為公羊春秋者有孔廣

敬勝堂叢書

經學叢書卷一

十五

森張憲言劉逢祿諸君子著書以窮其奧而穀梁自漢迄今二千餘年未有發明之者開戶覃思欲著穀梁春秋釋例穀梁春秋傳微各若干卷發其由析尋其塵緒以扶千古之絕學又以七十子之微言大義三傳中各有精華所在亦可以紹聖學而闡經訓不容偏廢也則復取三傳之遺仿董子繁露例別為著論若干篇題曰春秋鑽燧凡四卷第一曰正名曰黜周王魯曰正妃匹第二曰朝制象天曰制爵曰鄭忽曰鄭祭仲曰夫人歸甯第三曰母以子氏曰尊親諱曰三正曰喪不置閏第四曰正始曰張三世曰刑德考曰書有義未附止雨法云董子春秋繁露有求雨止雨法然求雨法備詳而止雨法獨略考春秋大水與日食同禮穀梁言置麾陳兵陳鼓擊門擊柝公羊言朱絲營

社而董子書亦但傳土曰寒水質絕道蓋井禁婦女不得行入市令縣鄉皆埽社諸法此外無聞焉道光己酉歲自四月至五月江浙間霪霖已及一時豆麥未登禾苗不能種植屋宇田疇盡為水所淹大府憂之屢禱不應猶研究經義往往留心治術心慷慨恍若有悟焉知非彼蒼之靈矜憐黎庶有以默佑之耶謹案通甲法以乙丙丁為三奇爾惟魚枕謂之丁魚腸謂之乙魚尾謂之丙魚體具此三奇獨得天地之靈今人往往以魚枕卜吉凶取此意也易說卦震為雷九家逸象又為鼓所謂鼓之以雷霆也用鼓以助東方之陽氣北方壬癸本水位制水者土則埽社尤亟金為水母在西方母旺則子相是宜火以厭之請以大魚一頭懸於南門以丙丁屬火也陳五鼓於東城樓上而

敬勝堂叢書

經學叢書卷一

十六

擊之震位在東亦乙奇也開北水門鑿黃旂九於北門九為陽數黃為土色土克水也然四十九鉦於西城樓上大衍之數五十其用四十有九也亦以火勝金使金不生水也城內外皆蓋井不得汲晝夜擊柝不絕此漢儒之緒餘未經闡發者爰本其義而稍變通之酌古準今也猶未敢學無鹽子不知醜陋自陳其說故芻蕘之言不見采於大府後之人或有依法行之者亦庶幾古法之未泯也秀才此法可謂補董子所未備已秀才又深於詩著有三家詩考又為音韻之學著有毛詩古音表若干卷近之言古韻者顧氏江氏段氏孔氏王氏五家俱依陸法言所遺二百六韻與詩三百篇離合多寡分別部居平入相配亦既各具精理矣秀才踵五家之後而復變通其說分韻列二十

侯君謨孝廉名廷楷更名康其先江南無錫人後徙於粵
爲番禺人少孤好學喜讀史家貧無藏書稱貸得錢買十
板齋堂叢書

七史讀之卷帙皆倣遂通史學亦喜爲六朝之文阮文達公督粵開學海堂課士賞其文由是知名後乃研精經學嘗欲旁搜羣籍網羅散佚考其異同仿裴松之注三國志例盡注隋以前諸史又云注史與修史異注古史與注近史異史例貴嚴史注宜博注近史者羣書大備注古史者遺籍罕存當日爲唾棄之餘今日皆見聞之助洵確論也嘗爲後漢書補注續一卷三國志補注一卷又以隋以前古書亡佚十九注書者多湮沒不彰乃補撰後漢三國晉宋梁陳魏北齊周十書藝文志而自注之凡其人不見正史者考其爵里書已亡而佚文尙存者著其梗概後漢三國成經史子三部餘未成尤好左氏春秋謂近儒多尊賈服而抑杜解然杜固有勝賈服者儒者說經當求心之所

安毋徒博好古之名可謂中庸之論矣欲著書以持其平亦未成又治穀梁春秋考其涉於禮者爲穀梁禮證一卷又考漢魏六朝禮儀爲書數十篇皆精博之論其餘羣經小學皆有論說多發前人所未發孝廉爲諸生時名謀甚在鄉試闈中有同號生揖而言曰君爲侯先生耶幸得相見聞君每歲首觀時憲書一過終歲能誦之何其善記耶孝廉笑謝無有陳蘭浦先生嘗與孝廉會試同舟而歸無事偶以隋書經籍志試之讀一書名孝廉答以某人撰十不失一云孝廉事親孝友于兄弟篤於朋友性兼狂狷而質直通易異俗無忤惟不治家人生產至不識算子以授徒自給賦質羸弱又讀書恆至深夜平居不離藥物以優貢出道光乙未科舉人應會試歸發病逾年卒年四十弟

度字子琴與孝廉同舉於鄉甲辰大挑以知縣用分發廣西委署河池州知州以不賄上官落職子琴大令致陳先

生書云蘭浦仁兄

閣下別後於二月中旬省議乙酉乞尊養兩粵水道圓想

梓河江後想邀青月照詞因諸務乞乞久疎魚雁望風懷想

能不一依依弟初登仕版諸務未諳又欲資事求是肯盡

假於幕賓以圖安逸河池地方瘠苦更值去秋賊匪入境

益見凋殘弟製錦未能對金乏術苦不敢廢民脂膏以爲

獻媚之官至其銜著之陋官之惡有不我輩所習見者

自念有官之苦不及無官之樂弟亦安之恐貽車澤人

架譽之譏不料本府坊未送任規節現之嫌轉縣丞審之南

丹土縣有友以賤污之名被黜其規因河池縣丞審之南

訊虛實輒以監生名字捏稱自備經費帶勇投効被縣署

丁差翻遠年已結舊案押勒銀兩等情上府上省具控因

實莫遺忠被控有案在弟任內又有續控呈詞四次並因

月間又有府續控一次本府任內苦不知有此事者可謂咄

咄奇事府稟撤任時值兄輩初抵桂林忽聞此事大受驚

惶因此稟遞據上目一面之詞其中實情省垣傳聞諒多

增益皆以爲功名不保且有餘罪兄輩年少於桂林旅邸

切之故遂卽日得病醫藥纏綿大兄竟卒於桂林旅邸

弟九月旋省始知其事父子至情能無傷痛弟向來境遇

強半不堪然未嘗不刻苦自勵於動心忍性上力做功夫

自抵西省後見時事日非真偽莫辨已多不平之感今楚
適此耳安能鬱鬱久居此乎弟在河池數月自愧毫無建
白惟是諸事認真辦事亦漸有條理已定保甲團練章程
數十條頗治與情亦無憾焉居萬山之中委辦四防禁烟
十處以代城郭已分遣紳耆相度地勢繪圖設法使民相
始者有賊劫掠者事在必成足為河地之害又河地
之民從賊劫掠者事在必成足為河地之害又河地
生名十得六七欲俟發十家牌後即可案名拿辦惟甲長
是問不使差役賄索待遣撤任後此輩得以爲禍自解
其數口後有匪人張燈宴客并及署內丁書蓋野人自解
其名早已中丞新政專以團練爲要弟在任未及一月即
立意招保甲團練政專以團練爲要弟在任未及一月即
好民窺探意旨亦即借團練之名以動上聽本府有意偏
祖即據呈稟請撤任先由府委人代理中丞亦以事關團
練恐因此阻喪衆心亦即照府稟奏撤任弟之真辦團
練亦本無足道惟閣下知我愛我弟自九月旋省後抑鬱
出處易小兒竹後得五月初旬所寄弟自九月旋省後抑鬱
無聊檢小兒竹後得五月初旬所寄弟自九月旋省後抑鬱
賜及也來書望另示知并乞時賜誨言匡其不逮無使弟
率復即候台祺惟道自愛不宣 亦治經通算學嘗以顏
氏家訓一書詳於經史文學而略於家教後之爲家訓書
者又不興雅因輯古來嘉言懿行有益於身心家國者爲
述古家訓一書藏於家論者以爲自來家訓書所不及海
甯錢心壺給諫儀吉遊粵嘗贈二君以詩云高郵訓詁稱
喬梓歷縣箋詩有倡隨又有二難生嶺表侯家康度兩經
師原注稱名援出 東李白之例

經學博采錄卷一終

經學博采錄卷二

南海桂文燦

陳蘭浦先生嘗云治經史不可不明地理而考地理不可
無圖故繪禹貢圖又囑鄒君特夫繪歷代地理圖海內爲
此學者有金匱錢氏以內府輿圖縮爲小本最便行篋惟
各省分圖閱者心神苦不相貫又有陽湖李中耆氏董方
立氏依內府圖準天度定里每度爲二格計每格縱橫各
當地上一百二十里內府圖經度近極處漸狹董氏摹本
畀令均齊府廳州縣悉載無遺內府圖蒙古部落未注旗
分董氏詳之陳蘭浦先生得董氏所藏內府圖蒙古旗分
皆董氏朱書添注故知之也盤江從徐宏祖遊記以其源
流易尋也李氏又嘗繪春秋輿地圖其自跋云春秋輿地

服虔穎容皆有注釋杜氏出而諸家皆亡不能不以杜氏
爲斷國朝顧棟高春秋大事表程廷祚春秋地名辨異時
有補正今考核同異以內府輿地圖著之無考者從闕其
每國分境當時本不能無離離如許國在鄭南在魯及小
國或包于大國中又有兩國均有此地如魯衛之鹹楚蔡
之州來等皆止能約略分之其杜注諸地核以戰爭往來
形勢不合者尙多以無他書可證姑仍其舊其水道古今
異形者悉以色筆照當時經行之地繪之

董方立遺書者陽湖董孝廉所著也孝廉名祐誠嘉慶戊
寅恩科舉人初名曾臣鄉舉後乃更今名少穎異生五年
晚九九數年十八與同里張彥惟共治算學盡通諸家法
年三十三卒始爲漢魏六朝之文繼復肆力於歷數輿地